

**Nik Nazmi dilantik pengarah komunikasi PKR
Malaysiakini.com
August 17, 2010**

PKR hari ini mengumumkan perlantikan Nik Nazmi Nik Ahmad sebagai pengarah komunikasi yang baru berkuatkuasa 16 Ogos lalu.

Nik Nazmi, 28 tahun adalah ADUN Seri Setia mengisi jawatan itu yang dikosongkan oleh penyandanginya sebelum ini, Jonson Chong.

Perlantikan beliau dibuat menerusi surat yang ditandatangani presiden PKR Datuk Seri Dr Wan Azizah Wan Ismail. Serentak itu, beliau akan turut menganggotai biro politik dan biro pengurusan serta mengetuai biro komunikasi parti itu.

Adalah dipercayai, Nik Nazmi dipilih berdasarkan pengalaman luasnya dalam media baru dan media cetak yang luas.

Beliau adalah lulusan undang-undang dari King's College, University of London.

Sebelum ini Nik Nazmi, pernah memegang jawatan setiausaha sulit kepada ketua umum PKR Datuk Seri Anwar Ibrahim dan setiausaha politik kepada menteri besar Selangor, Tan Sri Abdul Khalid Ibrahim.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/140311>